

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

**Meditationum evangelicarum pars tertia, hoc est:
Tractatio evangeliorum tam dominicalium, quam
festivalium, ad recte se sub variis tentationum generibus
gerendum, disposita**

Creide, Hartmann

Francofurti ad Moenum, 1682

Exordium

[urn:nbn:de:bsz:31-126133](https://nbn-resolving.org/urn:nbn:de:bsz:31-126133)

rot, &c. Hæ manus furiferæ sunt, quibus metam justitiæ supergressus, hi pedes nefarii, qui in tenebris ambularunt, ad varia scelera perpetranda. Qua ratione pessimè audiemus: Sed ut manus & pedes, imò totum corpus confidenter exhibere possimus, dicentes: Hæ manus sunt, quas noctes diesque ad Deum piis precibus elevavi, quibus bona operatus sum, & quas proximo meo aperui. Hi pedes, qui sapissimè in ædem Domini ad

cultum Deo litandum me pertulerunt. Hoc corpus meum, quod afflictum crucifixi, quò maneret templum Spiritus sancti: imò ego ipse sum, qui Christo fidelis fui usque ad mortem, propterea nunc mihi reposita est corona vitæ, Apoc. 2. vers. 10. Hæc laus insignis erit! Beati erimus si eâ inclarescemus, quod fiat per CHRISTUM JESUM, Dominum nostrum, Amen.

IN DIE FESTO PHILIPPI ET JACOBI.

Evangelium Joh. 14. v. 1. -- 14.

EXORDIUM.

DE Mose, inclyto Heroë fidei refert Paulus, quod grandis factus, negaverit se esse filium filia Pharaonis: magis eligens affligi cum populo Dei, quàm temporalem peccati habere jucunditatem: majores divitias æstimans thesauris Ægyptiorum improprium Christi: adspiciebat enim in remunerationem. Fide reliquit Ægyptum, non veritus ferociam Regis: invisibilem enim, tanquam videas, sustinuit, Hebr. 11. v. 24. & seqq.

Sicut igitur Moses multis aliis in partibus: sic & hac in parte typus Christianorum fuit.

Mundus nihil aliud est, quam spiritualis Ægyptus, in qua filii filia Pharaonis, hoc est, filii hujus seculi, Luc. 16. vers. 8.

qui terrena sapiunt, & quorum Deus venter est, Psal. 31. vers. 19. magna in dignitate & gloria vivunt, gaudent omnium rerum affluentia, in labore hominum non sunt, & cum hominibus non flagellantur, felices sunt in seculo & obtinent divitias, Psal. 73. v. 5. 12. unde omnium applausu felices existimantur, audientes: Beatum populum cui hæc sunt, Psal. 144. vers. 14. Contrà filii lucis, Luc. 16. v. 8. variis tribulationibus subjecti opprobrium Christi sufferrecoguntur, & ferociam Principis hujus mundi, Joh. 14. v. 30. quia non de mundo sunt, sed elegit eos Christus de mundo, Joh. 15. v. 19. flagellantur totâ die, & castigatio eorum in maturinis, Psal. 73. v. 14.

Nihilominus fides in illis prævalet: hâcuti

Sicuti enim Moſes omni gloria, divitiis & voluptatibus renunciavit, negavitque ſe filium eſſe Pharaonis: ex adverſo verò elegit affligi cum populo Dei, ſuſtinens inviſibilem, tanquam videns, & in Meſſia confidens, gloria vitæ æternæ, & electorum beatitudine ſe confirmavit, cujus reſpectu omnia terrena ſuſque deque habuit:

Ita pii humanæ gloriæ, mundanisque facultatibus, quibus in ſpirituale Ægypto frui poſſent, ſua ſponte valedicunt, magis cum Chriſto opprobrium eligentes, ut in altero ſeculo cum illo regnent, quàm ut cum filiis hujus ſeculi in felicitate degant, & aliquando ad opprobrium ſempiternum reſuſcitantur, Dan. 12. verſ. 2. & libertate gloriæ filiorum DEI careant, Rom. 8. verſ. 21. malunt carere theſauris in terra, quam theſauris in cælo, Matth. 6. verſ. 20. diligunt magis gloriam Dei, quam gloriam hominum, Joh. 12. v. 43. Optimè intelligunt, mundanum gaudium & gloriam, tantum temporalem peccati jucunditatem eſſe, ideo non diligunt mundum, neque ea quæ in mundo ſunt, 1. Joh. 2. v. 15. Breviter: adſpiciunt cum Moſe in remunerationem. Quæ in illis terrenorum oblivionem inducit, & animam ad cæleſtia inflammat, dum ex Ægypto hujus mundi in cæleſtem Palæſtinam introducuntur.

Hoc ſolatio Servator diſcipulos ſuos contra perturbationem, perſecutiones & miſerias confirmat, proponens ipsis futuram remunerationem, quam cum Moſe intueri, & in domo Patris cæleſtis expectare debeant, quando rediturus

ſit, eodemque aſſumturus, ut ubi ipſe ſit, & illi ſint.

Nos Inſtituti noſtri memores videbimus

- I. Triplicem Querelam.
- II. Triplicem Medelam.
- III. Triplicem Cautelam.

J. J.

Exegeſis.

Diligit Deus populos, inquit Moſes in cantione ſua valedictoria; & hâc ratione ardentiffimam Dei caritatem nobis commendat.

Quod verò hîc Moſes de dilectione Dei in genere canit, id in ſpeeie applicari poteſt ad ſecundam Trinitatis perſonam Chriſtum *θεός, υἱός, πατήρ*. Diligit & ipſe populos, quod prælecta Pericope ſatis probat.

Querela reſpicit

I Noſtram in proſectu Chriſtianismi *oſcitantiam*, quam & Thomas & Philippus petitione & quæſtione ſua ſatis indicant. Non modo Thomas & Philippus, ſed & reliqui Apoſtoli aliquamdiu ſcholam Chriſti frequentarant, & ex ore ejus multas præclaras conciones, de perſona, officio & beneficiis ejus perceperant, quo ipſo in doctrina ſufficienter inſtrui, nec contemnendum fidei fundamentum ponere potuiſſent: Verùm oſcitantiam eorum, ipſi teſtantur, ſiquiquidem Thomas ſine propudio ait: Domine, neſcimus quo vadis, & quomodo poſſumus viam ſcire? Philippus verò dicit: Domine; oſtende nobis Patrem & ſufficit nobis?

kkkk

nobis?